

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 447636 23 St
Tuzla, 03.07.2025. godine

Općinski sud u Tuzli, stečajni sudija Vedran Milašinović, u stečajnom postupku nad imovinom dužnika UG „SIN SOL“ Tuzla, ul. Izeta Sarajlića 2, u stečaju, dana 03.07.2025. godine, donio je sljedeće:

RJEŠENJE

Određuje se mjesečni bruto iznos nagrada za rad stečajnom upravniku Almiru Bajriću iz Tuzle u ovoj pravnoj stvari u visini od 1,5 prosječne bruto plaće isplaćene u Federaciji Bosne i Hercegovine za posljednji mjesec za koji budu objavljeni podaci u odnosu na mjesec na koji se isplata odnosi, s tim da ukupan iznos nagrade ne smije preći iznos predviđen propisom kojim se propisuju naknade i nagrade za rad stečajnih upravnika.

Isplate po ovom rješenju imaju se knjižiti na teret troškova stečajnog postupka.

Obrazloženje

Podneskom od dana 18.06.2025. godine stečajni upravnik predlaže da sud donese rješenje kojim će odrediti isplate predjuma mjesečnog iznosa nagrade za rad stečajnog upravnika. U podnesku navodi da su skupština povjerilaca i odbor povjerilaca u cjelosti prihvatili izvještaj i informacije o provedenim aktivnostima, kao i prijedlog daljih aktivnosti. Da je navedeni predmet kompleksan sa dosta neriješenih imovinskih odnosa, sa preko 80 prijava povjerilaca do sada, velikim brojem svakodnevnih aktivnosti u vezi sa vještačenjima koja su obimna, pribavljanja dokumentacije od svih institucija, rješavanju i čuvanju stečajne mase, iznajmljivanju stvari koje su ušle u stečajnu masu, objavljivanjem oglasa, svakodnevnim pozivima korisnika stanova i prostora u 3 stambeno-poslovna objekta, praćenju sudskih postupaka, te drugih svakodnevnih aktivnosti, uz napomenu da stečajni upravnik obavlja sve navedeno bez drugih zaposlenih lica. Poziva se na član 4 Pravilnika o naknadama i nagradama za rad stečajnog upravnika i članova odbora povjerilaca prema kojem se određuje isplata mjesečnih iznosa nagrade tako da iznos nije veći od dvije prosječne bruto plate u FBiH, a u određenim slučajevima i tri prosječne plate, a da ukupan zbir mjesečnih nagrada nije veći od ukupnog iznosa nagrade propisane pravilnikom. U smislu navedenog, smatra da bi u konkretnom slučaju trebalo odrediti isplate u visini od 1,5 do 2 prosječne plate u FBiH, s tim da se ista odredi minimalno u visini od 1 prosječne plate.

Odredbom člana 77 stav 4 Zakona o stečaju (Objavljeno u "Sl. novine FBiH", br. 53 od 07.07.2021. godine) je propisano da nagradu i naknadu za rad stečajnog upravnika određuje stečajni sudija u skladu sa pravilnikom kojim se propisuju naknade i nagrade za rad stečajnih upravnika.

Određivanje mjesečnih iznosa nagrada za rad stečajnom upravniku je propisano odredbom člana 4 stav 1 Pravilnika o naknadama i nagradama za rad stečajnog upravnika i članova odbora povjerilaca („Službene novine F BiH“, br. 4/22 – u daljem tekstu „Pravilnik“), te je članom 4 stav 2 Pravilnika propisano da se mjesečni iznos nagrade iz stava 1 ovog člana određuje tako da nije veći od dvije prosječne bruto plaće u Federaciji Bosne i Hercegovine (u daljem tekstu: Federacija) u posljednja tri mjeseca.

Shodno odredbi člana 23 Pravilnika, isplata svih novčanih iznosa nagrada u skladu sa pravilnikom su bruto iznosi.

Cijeneći kompleksnost predmetnog stečajnog postupka, s obzirom na broj povjerilaca a naročito veliki broj podnesenih izlučnih zahtjeva (koji i dalje pristižu periodično), neriješene imovinsko-pravne odnose u vezi sa prostorima u više stambeno-poslovnih objekata, aktivnosti koje je potrebno preduzimati u pogledu tačne identifikacije nepokretnosti, procjena vrijednosti, prijedloga u vezi sa očuvanjem i povećanjem vrijednosti stečajne mase, unovčavanja stečajne mase, svakodnevne aktivnosti u cilju čuvanja stečajne mase i rješavanjem drugih pitanja u vezi sa istima, parnice proistekle iz ovog stečaja, uobzirujući činjenicu da nisu zaposlena druga lica koja bi pomagala u vezi sa ovim aktivnostima što dovodi do uštede sredstava, sud cijeni opravdanim da se u konkretnom slučaju stečajnom upravniku odredi mjesečni iznos nagrada za rad u visini od 1,5 prosječne bruto plaće u FBiH, te je primjenom prethodno citiranih odredaba Zakona o stečaju i Pravilnika odlučeno kao u stavu I izreke ovog rješenja.

Stečajni sudija
Vedran Milašinović

Pouka o pravu na izjavljivanje pravnog lijeka:

Protiv ovog rješenja je dozvoljeno izjaviti žalbu Kantonalnom sudu u Tuzli, koja se podnosi putem Općinskog suda u Tuzli, u roku od osam dana od dostavljanja rješenja.